

**IZVOD IZ TRANSKRIPTA SA 10. SJEDNICE SKUPŠTINE ZENIČKO-DOBOJSKOG
KANTONA ODRŽANE 27.05.2015. GODINE U KOJEM JE SADRŽANA RASPRAVA
PO 1. TAČCI DNEVNOG REDA
-NACRT ZAKONA O PRENOŠENJU NADLEŽNOSTI ZENIČKO-DOBOJSKOG
KANTONA ZA DJELATNOST OSNOVNOG I SREDNJEG OBRAZOVANJA NA
OPĆINU USORA-**

**MENSUR SINANOVIĆ - MINISTAR MINISTARSTVA ZA OBRAZOVANJE, NAUKU,
KULTURU I SPORT**

Poštovana predsjednice sa zamjenicima, uvaženi premijeru s ministrima, poštovani zastupnici, gosti, mediji, sve vas selamim i pozdravljam. Pa evo predsjednica je upravo navela glavne razloge donošenja ovog Zakona koji je bio u Prijedlogu, ispred Ministarstva napravljen, prošao kroz Vladu, evo sad je u formi Nacrta. Ja bih samo istakao evo obrazloženje pojedinih pravnih rješenja koja ste vi dobili u materijalima, ali da napomenem da je Zakon sastavljen od 4 člana. Članom 1. precizira se sam predmet Zakona o prenosu ovlasti na općinu Usora. Prenos te nadležnosti ... nadležnosti se odnose na planiranje djelatnosti obrazovanja na svom području, utvrđivanje prijedloga upisno-gravitacionog područja, osnivanje osnovne i srednje škole na svom području, osiguranje verifikovanog stručno-pedagoškog nadzora nastavnog procesa u školama na svom području na usaglašen prijedlog Pedagoškog zavoda Zenica, prijema i imenovanja zaposlenika škole, izbora organa upravljanja i rukovođenja kao i sva druga pitanja koja su u nadležnosti osnivača. Članom 2. utvrđuje se obaveze primjene temeljnih principa utvrđenih okvirnim obrazovnim zakonima Bosne i Hercegovine, kao i utvrđeni ciljevi obrazovne reforme u smislu preciziranja načina vršenja ovlasti u skladu sa važećom obrazovnom legislativom u Bosni i Hercegovini na način da se garantira poštivanje prava konstitutivnih naroda. Članom 3. utvrđuje se način prenosa sredstava za finansiranje obrazovnih potreba u postojećim ustanovama obrazovanja na području općine Usora, a to su osnovna, jedna osnovna škola i jedna srednja škola u općini Usora. I članom 4. precizira se vrijeme stupanja na snagu predmetnog Zakona. Ja sam smatrao toliko. Tu je sekretar Vlade, kao pravnik, ako treba nešto još pojasniti, mi smo na usluzi. Hvala.

PREDSJEDAVAJUĆA

Zahvaljujem. Da li predstavnici komisija žele dati dodatno obrazloženje stavova? Gospodin Plančić.

**IBRAHIM PLANČIĆ, PREDSJEDAVAJUĆI KOMISIJE ZA OBRAZOVANJE, NAUKU,
KULTURU I SPORT**

Poštovana predsjedavajuća, dopredsjedavajući, kolege zastupnici, uvaženi gosti, mediji, ostali, članovi Vlade, gospodine premijeru, evo koristim priliku da vas poselamim i pozdravim sa skupštinske govornice s obzirom da je ovo moje prvo obraćanje. Obraćam se u svojstvu predsjedavajućeg Komisije za obrazovanje, nauku, kulturu i sport koja je na 3. sjednici koja je održana 25.05.2015. godine razmatrala predloženi Prijedlog Zakona o prenosu nadležnosti Zeničko-dobojskog kantona na ... za djelatnost osnovnog i srednjeg obrazovanja na općinu Usora. Iskreno, mi smo razmatrali ovo po skraćenom postupku, međutim evo danas imamo nove fakte. Dakle, ovo će se danas razmatrati kao Nacrt Zakona i ja želim da iznesem stav Komisije, dakle, mi smo imali određenih dilema, svi članovi Komisije. Vodili smo iscrpnu raspravu, ali nakon dobijenih preciznih odgovora od strane resornog ministra i sekretara Ministarstva obraz ... za obrazovanje, nauku, kulturu i sport dobili smo sve potrebne odgovore. Uvjereni smo na Komisiji da generalno podržimo Prijedlog Vlade i da predložimo Skupštini da Skupština podrži ovaj Prijedlog zakonskog ... zakonskog rješenja. S tim u vezi, dakle, to je bio naš stav. Naravno, on ostaje i dalje mada je evo sad ovo forma nacrta, a želim da naglasim i vi ste zastupnici dobili u pismenom obliku očitovanje Komisije, dakle u vidu jednog zaključka. Mi smo izrazili negodovanje što smo presudu Ustavnog suda dobili samo na ćirilichnom pismu. U tom smislu, evo, ja predlažem s obzirom da je ovaj zakonski akt pretvoren u formu Nacrta da se obrati

Skupština, uputi dopis Ustavnom sudu Federacije Bosne i Hercegovine i zbog nacionalnog sastava stanovništva Zeničko-dobojskog kantona, a s tim u vezi, dakle, i sastava ove Skupštine da nam se dostavi do razmatranja prijedloga ovoga zakonskog rješenja da nam se dostavi presuda Ustavnog suda i na latiničnom pismu. U tom smislu Komisija je donijela jedan zaključak i ja vas molim evo da ... da i Skupština podrži ovakav zaključak. Zahvaljujem.

PREDSJEDAVAJUĆA

Zahvaljujem. Otvaram raspravu po ovoj tački dnevnog reda. Ko želi učestvovati u raspravi? Gospodin Tadić.

IVO TADIĆ

Gospodo predsjedavajuća, kolega Duvnjak, premijeru, ministri, kolege zastupnici, gosti, mediji, sve ... sve vas pozdravljam. Na poseban način pozdravljam vijećnike. Njih je izgleda danas više nego nas ovdje. Da vam bude iskren, malo sam ... malo sam zbunjen i dobro sam ljut. Nije mi jasno, prilikom utvrđivanja reda, svi znamo da se radi o Odluci Ustavnog suda. Meni je žao ... meni je žao što je ovo uopće išlo prema Ustavnom sudu, što je načelnik općine Usora pokrenuo ovu inicijativu prema Ustavnom sudu. Ona je bila na dnevnom redu ove Skupštine, međutim, nažalost, nije dobila parlamentarnu većinu. Mogli bi raspravljati o ovome. Kad je u pitanju, mislim da je svima vama poznato, člankom 69. Ustava Zeničko-dobojske županije se jasno kaže da narod koji je većinski u općini, manjinski unutar Županije, ima pravo na osnovno i srednje obrazovanje. Sukladno toj Odluci Ustava, na općinu Žepče prije nekoliko godina preneseno je obrazovanje. Mi danas imamo ovdje Odluku Ustavnog suda. Ja zaista ne znam, evo danas, ovaj, mi smo ovo pretvorili u formu nacrt. Je li to znači da će se otvoriti javna rasprava? Ovo je Odluka Ustavnog suda. Odluke Ustavnog suda može nam se sviđati ili ne sviđati. U pravilu o njima se ne raspravlja nego se traži način kako će se ona implementirati i ništa drugo. To je sve. Ja ću se malo vratiti na općinu Žepče koja je prije nekoliko godina prenijela ovo. Da vam budem iskren, zvao sam predsjedavajućeg Općinskog vijeća, gospodina Muhameda Jusufovića, koji je iz bošnjačkog naroda, da dođe ovdje na ovu Skupštinu, međutim bio je spriječen zbog nekih drugih obveza, ovaj, ali volio sam da on dođe i da ... pošto sam čuo zadnjih 20-ak dana nakon ove Odluke Ustavnog suda puno primjedbi na račun općine Žepče kad je u pitanju obrazovanje. Ja vam želim kazati samo nekoliko stvari. Mi u Žepču imamo 4 osnovne škole. Osnovna škola u Žepču i osnovna škola u Ozimicama i na čelu tih osnovnih škola su Hrvati. Druge dvije škole, u Begovom Hanu i u Željeznom Polju, na čelu tih škola su Bošnjaci. Imamo dvije srednje škole u Salezijanskom dole centru, imamo srednju mješovitu školu. Ovdje je neko imao ne znam evo sad i zastupničko pitanje, ovaj, dvije škole pod jednim krovom. Radi se o Srednjoj mješovitoj školi. Imate školu po hrvatskom nastavnom planu i programu, imate školu po ... po bošnjačkom nastavnom ... po bosankom nastavnom planu i programu i direktor te škole je Bošnjak, Bošnjak! Kad su u pitanju sredstva o kojim se priča kako su povučena velika sredstva, došlo je prije 2 godine, znači, napravljena je nova škola općine Žepče u ... u ... u Ponijevu i tad su 2 ... nekoliko čini mi se 11 odjela osn ... osnovnog obrazovanja iz Šehera i Ljubatovića koji su pripadali osnovnoj školi Maglaj prešli su u tu školu. Znači, 11 odjela i čini mi se 23 uposlana. Znači, to je onaj dio gdje se povećaju sredstva, gdje se priča oko ... oko velikom povlačenju sredstava. Ti ljudi su, znači, iz škole Maglaj prešli su u školu Žepče u novu školu. Radi se o 23 uposlana. Nažalost, ima troškova vjerovatno više nego i u jednoj osnovnoj ili srednjoj školi u Zenici. Vi imate ovdje u svim gradovima, imate osnovnu školu. Ako vam ja kažem da osnovna škola Žepče ima 7 područnih škola, Lupoglav, Papratnica, Ravne, Lovnica itd., itd. 9 područnih škola ima škola u Perkoviću. Znači, to je veliki prostor i teritorij za razliku od ovoga dijela škola u ... u Begovom Hanu jer je veliki broj. Imate Željezno Polje koje ima 5 000 stanovnika i to je na ... I onda dolazimo u situaciju zbog tih pedagoških standarda da imamo u odjeljenima negdje po možda 5 ili 10 učenika. Znamo koliki su standardi i to povlači dodatne troškove. Ja ću vam navesti primjer u školi u Ozimici, znači, gdje imate od prvog do devetog razreda gdje idu bošnjačka djeca po nastavnom planu i programu, međutim, imate ... imate odjel u kojem je samo 5 učenika. Hoćemo li ukinuti taj odjel, da smanjimo broj zaposlenih itd.? Znači,

to je politika ne samo Bošnjaka, Hrvata i svi hajmo zadržati škole, nažalost, djece je toliko koliko je. Ponavljam još jednom, volio bih ... volio bih da je ovdje načelnik, predsjedavajući Općinskog vijeća i sve prob ... i sve ovo što mislite da nije uredu, volio bih da se ovdje iznese, ali ja govorim, evo bojim se da ne otvorim jednu drugu raspravu i diskusiju jer vidim ima priličan broj onih koji evo nismo mi ni „za“ ni „protiv“, mi smo „suzdržani“. Ovo je Odluka koja se mora provesti dvotrećinskom većinom. Da vam budem iskren, da sam ja načelnik općine ne bih puno ni očekivao od ove ... Ja bih ovo implementirao i radio bih na svoj način što nije dobro, što nije u skladu sa Zakonom. Međutim, vidim da će ovo ići u nekom drugom smjeru i ja sam ovdje prije par godina, sjedili smo ovdje kad su neki govorili o segregaciji na općini Žepče i bio sam u toj komisiji kad smo išli dole. Sve je bila segregacija. Mi smo imali prošli tjedan, pazite, prošli tjedan smo imali, raspravljali smo o zastupljenosti konstitutivnih naroda. Nisam taj podatak namjerno iznosio. Pogledajte, u školskim odborima u Zeničko-dobojskoj županiji, Zeničko-dobojskom kantonu, kako god hoćete, imate 374 Bošnjaka, imate 31 Hrvata i 4 Ostala. Znači, 374 Bošnjaka, 31 Hrvat, ali ako vam kažem, znači, 31 to je kad uzmemo ovu školu u Žepču, kad uzmemo na hrvatskom planu i programu Usori, onda vidimo gdje smo i ne bunimo se, prihvaćamo mi da ... da je neko ovdje većina, da to ide tako kako ide. Međutim, ima jedna stvar i nemojte je zaista zaboraviti, pravo na jezik ne može niko zabraniti! Pravo nama na našem ... na našem nastavnom planu i programu ne može niko zabraniti! Ja vas molim zbog ... zbog svega ovoga ne želim ulaziti, ovo je preozbiljna tema, u bilo kakvu raspravu, bilo kakve re ... replike. Volio bih da preispitate sebe i svoje odluke. Mislim da se šalje jako, jako ružna poruka odavdje iz Zenice. Hvala vam.

PREDSJEDAVAJUĆA

Zahvaljujem. Gospodin Ganić.

AMIR GANIĆ

Uvaženo Predsjedništvo, poštovane kolegice, kolege, premijeru, članovi Vlade, sve vas selamim i pozdravljam. Ja se nadam da ova tačka dnevnog reda neće, kolega Tadiću, ići u neželjenom pravcu i da neće pobuditi pretjerane emocije mada je teško obzirom na ovu problematiku teško je nekako se emotivno isključiti. Ja ću kazati kakvo je stajalište Kluba poslanika A-SDA spram ove Odluke i na kraju krajeva ona je takva kakva jeste i ona se mora, dakle, imperativno, ona se mora poštovati bez obzira kakve mi imali emocije prema njoj. Ja ću kazati da moje impresije ... da postoje impresije čitajući ovu presudu i moram kazati da nisu, to je moje privatno stajalište, da one nisu pozitivne iz prostog razloga što ako ... ako probamo, mada je nemoguće kada je ova problematika u pitanju, nemoguće je isključiti političke konotacije, zaista je nemoguće. Međutim, moram kazati kao neko ko je uključen u obrazovni sistem u Bosni i Hercegovini sa tog stajališta da je ovo za mene zaista presuda koja ... koja nije dobra, jer mi i u ovak'om sistemu kojem živimo, u sistemu koji se odnosi na ovaj obrazovni ciklus, bez obzira što imamo jedan jako disperzan, jako razgođen, jedan jako loš sistem koji vjerovatno nepostoji nigdje u normalno sv ... u normalnom društvu gdje smo obrazovni sistem spustili na tako niske grane. Nažalost, ovom presudom koja je naravno ustavna kategorija i ja to poštujem, mi ga još, još više spuštamo što bi trebalo da ide u kontra smjeru, dakle, da pokušamo iznaći snage, da pokušamo praviti intencije da obrazovni sistem ide po vertikali, prema gore. Nažalost, on ide dolje. Međutim, to je nešto što je ustavna kategorija i ja to zaista poštujem i mislim da se to mora poštovati. Dakle, presuda je donešena i ona se naravno, kolega Tadiću, treba i mora implementirati. Dakle, i pored toga što ... što zaista je ova Odluka puna nekakvih nonsensa, Klub poslanika A-SDA će zaista poštovati i glasat će za nju i zaista mislim da ... da tu nemamo ... da tu nemamo previše prostora i mislim da, kolega Tadiću, ne bi trebalo koristiti takve kvalifikacije, mislim da ... da u smislu segregacije, mislim da ... da ... da ne bi trebali ići do tih kategorija. Toliko.

PREDSJEDAVAJUĆA

Zahvaljujem. Gospođa Ugarak.

MELDINA UGARAK

Još jednom vas pozdravljam, selamim. Svakako obraćam se sad u svojstvu člana Komisije za izbor i imenovanje ... pardon, Komisije za obrazovanje i evo ja isto tako želim, onaj, da ovom prilikom dam do znanja i eto da javno se očitujem kolegi Ivi Tadiću da nikad niko neće dovesti u pitanje egzistenciju manjina, pogotovo Hrvata i Srba i to nikad nije bilo ni upitno. A što se tiče jezika, naravno i tu stojimo na raspolaganju da se da puna podrška, naravno Skupština nikad nije bila protiv nikakvih zahtjeva, to ste sami ... hvala ... sami ste ubijeđeni da to u biti nikad nije se ni desilo. Šta želim da kažem ustvari, evo da ne dužim? Pošto se spomenulo popis stanovništva, ako ste upoznati i ako ste iščitali ustavnu ... presudu Ustavnog suda Federacije, popis stanovništva na općini Usora ima evidencija iz '91. godine, znači, do dana današnjeg ustvari popis iz 2013. godine nikad nije ažuriran. Ja naravno se nadam da će kolege u Federalnom parlamentu izvršiti pritisak da se ta informacija što prije stavi na uvid i Skupštini i Federaciji, da jednostavno možemo evo kad su ove stvari u pitanju da se može jasno i deklarativno neke stvari posložiti po prioritetima. Eto toliko, pa nadam se da će biti dovoljno.

PREDSJEDAVAJUĆA

Gospodin Aliefendić, ispravka krivog navoda. Zahvaljujem gospođi Ugarak.

ALMEDIN ALIEFENDIĆ

Zahvaljujem se predsjedavajuća. Uvažene kolege zastupnici, članovi Vlade, mediji, gosti, sve vas selamim i pozdravljam i evo iskoristit ću poslovničku mogućnost da ispravim krivi navod kolegice Meldine Ugarak. U njenom izlaganju jedan je da kažem lapsus promako kazala da je ... da su Hrvati nacionalna manjina, je li. Mi moramo poštovati ustavne kategorije, Hrvati, Bošnjaci i Srbi su konstitutivni narodi i ostali, tako da moramo voditi računa prilikom izlaganja da ne produbljujemo te nacionalne odnose. Ja sam morao izaći kao delegat u Domu naroda federalnog Parlamenta i reagovati na ovakav način. Nadam se da ćete razumjeti i shvatiti. Hvala.

PREDSJEDAVAJUĆA

Zahvaljujem. Replika na izlag ... na ispravak krivog navoda gospodina Aliefendića. Pa, onda šta je, gospođu Ugarak?

MELDINA UGARAK

Pa, diskusija.

PREDSJEDAVAJUĆA

Ne može druga diskusija. Imamo drugih prijavljenih ...

MELDINA UGARAK

Ništa, samo, onaj, da se zahvalim. Eto ja se nadam u budućnosti ... može se desiti lapsus. Hvala još jednom Almedinu.

PREDSJEDAVAJUĆA

Mogli ste se zahvaliti sa mjesta, u svakom slučaju, ovaj. Gospodin Sarajlić.

ISMET SARAJLIĆ

Sve vas pozdravljam, evo prvi put sam ovdje. Neću dužiti, imamo puno tačaka dnevnog reda, ali nekako smo ... je ispalo sad da se svi na određen način pravdamo gospodinu Tadiću, ali ja ću vam reći jednu stvar, zašto je stav Kluba SBB-a bio ovakav kao što jeste. SBB je u principu protiv skraćenih postupaka i procedura generalno, što apsolutno ne znači da mi to nećemo podržati. Stav SBB-a je apsolutno ... Mislim da u ovom slučaju i čak i ovaj lapsus gospodine ... gospođe Ugarak nije bio ovaj, nego gledajući intenciju Zakona kaže se manjinski narod u okviru tog kantona, pa je tako, ovaj, to i riješeno. Znamo mi svi da je konstitutivan narod. Ali bih kratko samo nešto htio ovdje da izložim kao čovjek i ljudski. Ako se želi promijeniti i to uvažavam da

nije dobro ovo da kad su odluke Ustavnog suda kako se implementiraju i treba li uopšte dovoditi u pitanje da idu po skraćenom ili ne ili da se tu pokrene inicijativa da se one provode ili ne provode i tu bi onda ova vrsta kupovanja vremena, dužine trajanja procedure bila riješena. To treba pokrenuti na ... na ... na ... u zakonskoj legislativi. Druga stvar, ono što me u ovoj priči, neću reći nećemo to podržati bez daljnjeg, ali pitam sa ove govornice, evo Usora uz svo uvažavanje naravno nacionalnog sastava, ima ne znam koliko 5 000 možda stanovnika općina ... 8. Mi imamo inicijative iz nemilskog kraja gdje ima 20-25 hiljada ljudi da gravitira da ... da im se dadnu 2-3 odjeljenja srednje škole, evo pa nek' bude i poljoprivredna i za stočarstvo itd., nije se nikad niko udostojio da te inicijative na pravilan način sagleda. To je ... po meni je to segregacija, krvna zrnca na ... na nacionalnu pripadnost nego na kvalitet školstva, na kvantitet ljudi koji gravitiraju na određenom prostoru i mislim da je tu apsolutno napravljen nakaradan sistem. On zakonski jest takav, ali je nakaradan između ostalog zato i recimo što evo spominjali smo ovdje i Željezno Polje i Žepče i Nemilu, mislim da je u određenom ... ako bi gledali pravilno stvari Željezno Polje i Nemila apsolutno su kompatibilni u recimo u nekom poljoprivrednom i svakom drugom smislu. Tako da bi mogli koristiti usluge jedne škole samo je nemaju. Ja u tom smislu apelujem na ovu Skupštinu da pokušamo iznalaziti takav zakonska mogućnost ... takve zakonske mogućnosti da pokrećemo inicijative u tom smislu, da se otvaraju detačmenti postojećih srednjih škola ili da se dislociraju određene prema broju ... prema broju učenika eventualnih prema strukturi privrednoj određenog kraja, da to budu stručne škole i na kraju bi to trebalo rezultirati znate da na nem ... nemilskom slivu da nam ljudi znaju proizvoditi tvrde sirove, a ne samo ove naše već tradicionalne. Hvala vam.

PREDSJEDAVAJUĆA

Zahvaljujem. Gospodin Jukić.

DAMIR JUKIĆ

Kao predsjednik Kluba Hrvata u ovoj Skupštini Zeničko-dobojske županije pokušat ću biti što objektivniji iako sam emotivan, dakle, radi se o pravima mog naroda, hrvatskog naroda koji je kao što je rekao kolega i kao što to Ustav u Bosni i Hercegovini kaže konstitutivan narod u ovoj državi i u ovoj Županiji. Ovdje se ne radi, dakle, samo o nekom subjektivnom poimanju da li nešto treba ili ne treba ići po skraćenom postupku. Dakle, ponavljam, ovdje se radi o presudi Ustavnog suda. Ja sam ona generacija koja je bila uskraćena za to pravo da uči na ćirilici, ali evo ni to mi nije problem. Možda za one koji evo i ne znaju, ja ću, ovaj, pročitati jedan pasus presude Ustavnog suda koja kaže: „da se utvrđuje da je Zeničko-dobojski kanton povrijedio prava općine Usora na lokalnu samoupravu, jer nije prenio ovlasti u vezi sa osnovnim i srednjim obrazovanjem na ovu općinu“. Još jedan zanimljiv stavak kaže, pazite: „Zeničko-dobojski kanton je dužan da u roku od 3 mjeseca od dana objavljivanja ove presude prenese ovlasti u vezi sa osnovnim i srednjim obrazovanjem na općinu Usora“. Mislim da iz tog razloga, ja zaista ne bih volio sad izazvati polemiku, koliko mene pamćenje služi niko na Kolegiju nije bio protiv da ovakva ... ovakav Zakon ide u skraćenom postupku. Dakle, emotivan jesam i žalosti me, moram reći, ovaj, mislio sam da ćemo usvajanjem Prijedloga ovog Zakona po skraćenom postupku završiti one zahtjeve hrvatskog naroda u Zeničko-dobojskoj županiji. Vi znate da ovo pravo članak 69. Ustava Zeničko-dobojskog kantona ne može koristiti niti jedna druga općina u ovom kantonu. Na ovaj način bi proces i ova priča bila završena. Isto tako vrlo dobro znate, mnogi vi zastupnici znate, da problema u obrazovanju i u općini Žepče kad su u pitanju međunacionalni odnosi nema. Ja bih volio da su ovdje danas pozvani i direktori osnovnih škola, moji prijatelji, Adil Gačić iz Begovog Hana i Suad Hadžić iz Željeznog Polja. Većina vas zna o kome se radi i da nema problema kada je u pitanju obrazovanje na području općine Žepče. Ja koliko znam tu su samo riječi hvale. Ukoliko ima problema, ima nekih tehničkih problema koji su i u ranijem periodu bili i koji će biti i u budućnosti. Međutim, zaista, prenosom nadležnosti na općinu Žepče oblast obrazovanja ja odgovorno tvrdim i djelatnik sam ove službe bio nadležne iz oblasti obrazovanja punih 9 godina. Od 2009. godine, dakle, nadležni smo u općini Žepče za oblast obrazovanja i problema, a posebno me raduje što dakle međunacionalnih problema, dakle, onog

naroda koji nije većinski u općini Žepče, ovaj, ja nisam čuo ni za ... za neke probleme kada je ... kada je oblast obrazovanja u pitanju. Dakle, ovaj, na ovaj način evo mi smo danas uskratili ... zastupnici kažu mi, evo većinom glasova je takav zaključak donesen da se ne ide po skraćenom postupku, da se ne poštuje presuda Ustavnog suda koja kaže pročitao sam dakle, u roku od 3 mjeseca od dana objavljivanja. Na ovaj način ćemo odužiti samu proceduru. Ja i moj kolega Iva Tadić smo i na Kolegiju bili voljni da ova točka ne bude na prošloj Skupštini kad je trebala. Nema veze, evo bit će ovaj put, iće sve bez problema. Međutim, zašto nekom nije u interesu? Ako išta treba po skraćenom postupku, ja nisam pravnik, ali smatram da po skraćenom postupku trebaju ići zakoni koji ima 4 člana. Dakle, nije to Zakon o radu, 100, ne znam koliko, pravnici znaju, 170 članova Zakona. Ako išta treba, smatram da ovo treba. Posebno me raduje evo i činjenica, dakle, radi se o identičnom zakonu kad rasporedimo zakon dakle iz 2009. godine koji prenosi ovlasti obrazovanja na općinu Žepče. Dakle, o identičan zakon i oni amandmani koji su podnešeni ja uvažavam naravno kolege i na drugačije mišljenje i drugačije stavove, ovaj, da i Vlada Zeničko-dobojskog kantona nije prihvatila. Posebno, dakle, me žalosti činjenica da oni koji nisu imali bilo kakav amandman, sad kažem opet ne bih volio izazvati nikakvu posebnu polemiku, nikakve tenzije, ali, ovaj, niko drugi nije imao amandman. Oni koji su imali amandman nije Vlada prihvatila i oni su evo glasovali da se ide po skraćenom postupku. Oni koji nisu imali amandmana bune se i evo protiv su. Ja moram ovdje istaknuti činjenicu maloprije kolega Iva Tadić, ovaj, nećemo, neću zaista otvarati tu pol ... više priču oko Žepča, ovaj, ja samo imam riječi hvale, možda sam, je li, tu subjektivan, ovaj, ali kada je u pitanju oblast obrazovanja ne mogu ne spomenuti činjenicu, ovaj, nije, ovaj, ne bih sada nikoga ... nikoga kritizirao, ali Iva je evo iznio neke podatke kada je u pitanju broj zaposlenih, da to nije nešto enormno, da to nisu neka sredstva. Međutim, isto tako moramo spomenuti činjenicu da se na području općine Žepče od dana prenošenja nadležnosti na općinu Žepče, dakle, iz devetog mjeseca ...deveti mjesec 2009. godine pa na ovamo do dana današnjeg izgradila područna škola Ponijevo, područna škola Lovnica, glazbena škola, sportska školska dvorana Lug Brankovići, sportska dvorana Don Bosko u Žepču koja je takođe i školska dvorana koju koriste znači i svi učenici i svi sportski kolektivi na području općine Žepče da ovaj Zeničko-dobojski kanton, ovaj, pored normalno redovnog finansiranja, na čemu zahvaljujem, nije sudjelovao niti jedne marke u izgradnji, koliko mene služi pamćenje i koliko ja raspolazem podacima. Dakle, ovaj, ne bih ovdje kritizirao nikoga, ali evo par samo podataka sam kao predsjednik Kluba Hrvata morao iznijeti. Hvala na razumijevanju.

PREDSJEDAVALA

Zahvaljujem. Gospodin Husejnagić.

MUNIB HUSEJNAGIĆ

Pa ja ću iznijeti stav Kluba SDP-a, mada je on poznat svima već duži vremenski period. Nažalost, danas je ovo drugi put da Skupština nije usvojila Prijedlog Zakona na inicijativu općine ... općine ... Općinskog vijeća Usora. Prethodna Vlada je donijela Prijedlog na samu inicijativu da se donese ovaj Zakon, međutim on nije prošao u Skupštini i zato je općina morala posegnuti ... posegnuti za mjerom prema Ustavnom sudu. Evo presuda je Ustavnog suda, imamo presudu, o njoj se ne diskutuje nego se sprovodi i jasno da smo isto tako i ovaj put za skraćeni bili postupak, međutim evo ni to nije prošlo, idemo u nacrt, raspravu i ponovo ćemo doći na isti tekst i samo odgađamo za neki period usvajanje što za mene nije uopšte logično. Ja sam za uvijek skraćeni postupak ukoliko nam ... imamo dovoljno elemenata, dovoljno elemenata i koji su obrađeni kvalitetno u tom Zakonu, a samo zato što je skraćeno postupak da zbog toga ne glasamo i odgađamo, imali smo i prethodnih Skupština nekoliko takvih prijedloga zakona, mislim da nije racionalno. Nije racionalno po nekoliko puta se ovdje ukoliko je sve čisto i jasno i da moramo sprovesti i donijeti tak ... takav jedan zakon ili jednu odluku. Znači, mi smo za ovo i mislimo da o njoj ne treba puno diskutovati. Ja sam imao jedino određenu na ... na, ovaj, zadržku da tako kažem kad smo diskutovali vezano na Kolegiju za ovu tačku u pitanju da li imamo neki zaštitni mehanizam da se i u ovim općinama gdje je prenešena nadležnost, govorim o općini

Žepče i općini Usora, da uprosječimo ne kažemo da to bude na jednoj teritoriji bolja situacija nego ili lošija nego da uprosječimo broj uposlenika prema broju učenika, da uprosječimo sve ostale primjene nadležnosti da ne bude odskakanja, jer bilo je nekih priča da je evo ... imamo i obrazloženja za neka, ako imamo toliki broj područnih škola, onda je logično da su veće materijalna ... materijalni troškovi od odjeljenja sa manjim brojem učenika itd. Da se o tome samo malo povede računa, ali generalno znači mi smo za ovu odluku i da se ... da se usvoji. Hvala.

PREDSJEDAVAJUĆA

Zahvaljujem. Gospodin Hodžić.

FARUK HODŽIĆ

Koristim priliku da vas pozdravim u svoje lično ime i u ime Kluba poslanika Demokratske fronte. Na samom početku mog obraćanja želim podvući da je stranka Demokratske fronte građanska opcija i kao takva podržava znači Ustavom sva zagarntovana prava svih konstitutivnih naroda. Međutim, smatramo u DF-u da spuštanje nadležnosti iz oblasti obrazovanja sa nivoa kantona na nivo opštine korak unazad koji vodi daljem urušavanju ionako dobrano urušenog obrazovnog sistema. Kao ilustraciju tog urušavanja navodimo primjer egzistiranja preko 40 univerziteta i samostalnih visokoškolskih ustanova u Bosni i Hercegovini što je u odnosu na prijeratni broj deseterostruko povećanje. Vjerujem a svi smo toga svjesni, o tome se nažalost ne priča, da će nam se to jednoga dana vratiti kao bumerang. I šta ćemo onda? Dalje, smatramo da se obrazovno-odgojni sistem u Bosni i Hercegovini može unaprijediti samo na taj način što će se obrazovanje izdignuti sa nivoa kantona na nivo države odnosno u prelaznom periodu na nivo entiteta. Samo na taj način naše obrazovanje može povratiti odavno izgubljeni kredibilitet čime će ojačati i sebe, ali i državu Bosnu i Hercegovinu. Demokratska fronta i poslanici ove Skupštine će se uvijek protiviti svim oblicima segregacije, diskriminacije u svim oblastima ljudskog života, pa tako i u oblasti obrazovanja. Naročito se snažno protivimo daljem podje ... daljim podjelama po bilo kojem osnovu u obrazovnom sistemu. Moram naglasiti da je Demokratska fronta nastala upravo iz ideološkog sukoba koji se nalazi u središtu ovoga i smatram da ne možemo pristati da se 2015. godine nastave crtati granice koje se nisu mogle nacrtati ni 1995., a da se to još radi našim rukama. Prema tome, stav Kluba poslanika je da ćemo biti uzdržani po ovoj tački dnevnog reda i po ovim odlukama. Želim samo još naglasiti da ... da, a to su moji prethodnici u svojim obraćanjima rekli, da je ovo izuzetno skup Zakon i da će se odraziti na povećanje troškova iz onako siromašnog Budžeta Ze-do kantona. Zahvaljujem.

PREDSJEDAVAJUĆA

Gospodin Avdić.

BESIM AVDIĆ

Poštovano Predsjedništvo, predstavnici Vlade, kolege, kolege zastupnici, poštovani gosti, sve vas selamim i pozdravljam. Meni je žao što ovaj Prijedlog nije dobio potrebnu većinu da ide po skraćenom postupku, ali evo pretvoren je znači u Nacrt i mi sada sve što kažemo uzima se kao dio javne rasprave što bi trebalo da uzm ... da se uzmu u obzir, jel', prilikom donošenja, jel', ovaj, usaglašavanja, jel', kasnijeg teksta ovog Prijedloga Zakona koji će biti na nekoj od narednih Skupština, jel'. Ja kao čovjek, kao zastupnik građana Zeničko-dobojskog kantona apsolutno sam za to za jednaka prava svih građana koji žive na ovom Kantonu, jednaka prava svih naroda. Dakle, svih ljudi koji su stanovnici ovoga kantona i cijele Bosne i Hercegovine i tu nemam dileme. Apsolutno sam za to da se odluke Ustavnog suda, dakle, provode i njih u principu, jel', u pravilu ustvari ne treba komentarisati već ih treba provesti. Dakle, za to sam da svi stanovnici ovoga kantona dijele istu sudbinu ili približno istu sudbinu, a to znači da imamo jednaka prava. Ono što je za mene kao čovjeka sporno ovdje jeste da evo moguće je u narednom periodu da se desi nešto u smislu povećanja troškova iz Budžeta Zeničko-dobojskog kantona i Klub zastupnika SDA uložio je amandmane u tom pogledu da jednostavno standardi koji se budu primjenjivali,

pedagoški standardi, da budu jednaki na cijelom Kantonu. Znači, ne može se formirati negdje odjeljenje od 10 učenika a negdje u nekoj općini a evo općina Zavidovići, ja znam dakle pouzdano, postoje trokombinacije. Dakle, u područnim školama 3 razreda na jednom času, molim vas. Dakle, svakom razredu učitelj može posvetiti po 15 minuta, prvi, drugi, treći razred. Dakle, to nije ravnopravnost. To nije dijeljenje jednake sudbine na kantonu cijelom. Bojim se da se ne dovedemo u situaciju da jednostavno imamo neke povlaštene na kantonu. Dakle, moramo dijeliti jednaku sudbinu i moramo biti svi ravnopravni. Što se tiče sredstava i povlačenja sredstava iz Budžeta Zeničko-dobojskog kantona, ona moraju ostati na istom nivou kao što su bila do sada. Apsolutno sam za to, za provedbu presude Ustavnog suda. Ja sam digao ruku da ide po skraćenom postupku i Klub vijeć ... zastupnika SDA će biti za to, ali jednaka ... jednaka prava, jednakopravnost, a ne dovođenje nekoga u povlašten položaj. Pošto ima već indicija, evo nekih priča da se to dešava u Žepču za razliku od drugih općina, da su jednostavno uposlenici ne znam ni ja povlašteni u smislu, je li, broja učenika, broja uposlenika. Dakle, ti pedagoški standardi moraju biti ujednačeni i to je suština sve priče i moraju doneseni biti kriteriji, ono što sam govorio kad se usvajao Budžet Zeničko-dobojskog kantona u obrazovanju kol'ko koja škola povlači sredstava, da se donesu neki kriteriji. Ja ću imati inicijativu na jednoj od sljedećih sjednica u tom pogledu da Ministarstvo obrazovanja to donese po hitnom postupku, da se zna tačno po broju učenika, po broju nastavnika, po broju korisne školske površine koja se održava, da postoje neki ujednačeni, prav ... pravičniji kriteriji, jer do sada imamo ja ću kazati jednu nepravdu kad su u pitanju i škole na samoj općini, evo da ne bih otiš'o od teme, znači, trebamo voditi računa da ovaj zakon kad ga donesemo, usvojimo na nekoj od narednih Skupština ne dovede nekoga u povlašten položaj. Za ravnopravnost sam i hajmo ići na tom fonu. Dakle, poštujem presudu Ustavnog suda, ali ne u smislu da se neko sad drugu dovede u neravnan položaj. Toliko i hvala.

PREDSJEDAVAJUĆA

Zahvaljujem. Gospodin Mujanović.

HAŠIM MUJANOVIĆ

Poštovane kolegice i kolege, ja bih vas nazvao legalistima bar mislim da trebamo biti legalisti obzirom da smo položili svi svečanu izjavu ili zakletvu i kazali da ćemo poštovati Ustav, zakone i ostalo što je normirano u ovom našem društvu. U tom kontekstu, znači, ne treba ni postavljati pitanje podrške u provođenju presude Ustavnog suda. To je akt koji se mora provesti i tu dilema nema. Neke stvari mi nisu jasne zbog čega emocije? Ja bih ... ja bih postavio pitanje kad su emocije tu nešto se gubi, nešto se dobija, radost, žalost, ne znam ni šta je. Ja bih postavio pitanje, a šta se to ovdje dobija, a šta se to ovdje gubi da bi trebale da postoje emocije? Ovdje se radi znači samo o provođenju ustavne ravnopravnosti i tu se apsolutno slažemo i ne treba tu sad ovu materiju ne treba posmatrati u onom drugom kontekstu, a da li ima elemenata da pričamo o Prijedlogu Zakona koji danas imamo i da kažemo da postoje određeni nedostaci koji nisu sadržani ovdje da o tome trebamo pričati. I moj će prijedlog i biti da idemo u tom pravcu. Ono, znači, što je do sad kroz diskusije ili kroz iskustva kroz općinu Žepče u pogledu prenosa nadležnosti vidjeli se ti nedostaci, treba, znači, sad preduprijedit da ponovo ne dođemo u takvu situaciju ako je to tačno... ako je to tačno, ako nije, onda ... onda pričamo ... pričamo prazne stvari. Znači, dilema kod mene postoji. Znam da je Zakonom o lokalnoj samoupravi u nadležnost općine preneseno ili stavljeno njoj u nadležnost osnivanje, upravljanje, finansiranje i unapređenje obrazovanja. To je jasna stvar. Evo Ustavni sud presudio, ali prenesena je nadležnost u tom dijelu, ali postoji nedoumica ili nejasnoća kad je u pitanju finansiranje. U kom obimu finansiranje i da li će tu upravo doći do ovakve ekspanzije kao što je bila? Moj prijedlog da znači ovdje u ove ... u ovaj Zakon ugradimo, znači, upravo to, preventivne ili zaštitne mehanizme. Kada je u pitanju diskriminacija eventualna treba vidjeti, znači, kakav je nastavni plan i program, kakvi su standardi. Tu Ministarstvo za obrazovanje, nauku, kulturu i sport svakako mora uzeti svoj doprinos, moraju se zaštititi svi i naravno kroz nastavni plan i program ono što je meni najznačajnije ili, a smatram i vama kolegice i kolege, da se djeca uče i u predškolskom i u

osnovnom i u srednjem i visokom obrazovanju da uče državu u kojoj žive, da vole državu u kojoj žive. To je osnov, a sve ovo drugo, to je ... to je višak. Hvala lijepo.

PREDSJEDAVAJUĆA

Zahvaljujem. Gospodin Plančić.

IBRAHIM PLANČIĆ

Zahvaljujem poštovana predsjedavajuća. Mada je evo vezano za ovu materiju dosta toga rečeno što smo mi kao Klub dobrim dijelom izdiskutovali i o čemu sam ja htio da iznesem stav Kluba, ja ću ipak iskoristiti priliku i u kraćim crtama ovaj stav donekle sistematizovati i dakle iznijeti javno ono što će biti opredjeljenje Kluba SDA. Mi ćemo, dakle, podržati u ovom momentu, dakle, danas Nacrt Prijedloga Zakona o prenosu nadležnosti nad osnovnim i srednjim obrazovanjem na općinu Usoru. Bili smo danas spremni i evo to smo glasanjem pokazali da ovo ... ovaj posao danas završimo s obzirom da smo u prethodnom sazivu bili suzdržani na prijedlog ovog zakonskog akta. Kada smo ga sada dobili od Vlade Zeničko-dobojskog kantona naravno bili smo svjesni da moramo okončati presudu Ustavnog suda i ove dileme koje su danas iznesene od većine, gotovo svih, zastupnika za ovom skupštinskom govornicom, mi smo pretočili u amandmane. Vjerovali smo da podnesenim amandmanima da će ove dileme biti otklonjene i da ćemo dobiti ovu potpunu ravnopravnost da eventualno prenos nadležnosti nad općinu Usoru neće biti zloupotrebljen u ovom finansijskom smislu. Međutim, evo kao što ste vidjeli Vlada Zeničko-dobojskog kantona je jutros zasjedala, dala je svoj stav o našim predloženim amandmanima, oni nisu prihvaćeni. Naravno, da u neprihvatanju amandmana mi smo dobili jako argu ... argumentirano obrazloženje zbog čega nije prines ... pre ... nisu oni prihvaćeni i mi u potpunosti smo evo saglasni sa ovim što smo dobili kao obrazloženje. Dakle, Vlada je zaista na osnovu prenosa nadležnosti na općinu Žepče svih ovih dilema itd., u postojećem Prijedlogu imala to na umu i otklonula sve dileme. U obrazloženju koje smo dobili na odbijanje naših amandmana zaista postoje utemeljeni osnovi da je Vlada vodila računa o tome i da nema nikakvih dodatnih bojazni odnosno nema potrebe za ovim amandmanima. Mi s toga, dakle, prihvatamo ovaj stav Vlade. Bili smo spremni danas ovaj ... ovaj posao da završimo, ali očigledno s obzirom da ovo ide u nacrt mi se nadamo da i naši amandmani ponovo će biti dio ukupne rasprave o predloženom na ... za ... na ... o predloženom Zakonu, dakle, u konačnom predje ... Prijedlogu Zakona da će Vlada voditi računa i o ovim ... o ovim amandmanima. Dakle, u konačnici mislim da ste razumjeli, Klub zastupnika SDA će podržati predloženi Nacrt Zakona o prijedlogu ... o prenosu nadležnosti. Zahvaljujem.

PREDSJEDAVAJUĆA

Zahvaljujem. Gospodin Tadić.

IVO TADIĆ

Ja ću ... ja ću samo kratko. Nisam dovoljno razumio kolegu Plančića. Koliko sam shvatio da otprilike se odustaje za sad pošto Vlada nije prihvatila amandmane, je li tako? Vezano za amandmane vaše (poslanik govori s mjesta) Ovaj, ja bih ... ja bih volio da ... da ... da se odustane od amandmana iz razloga što ... što imamo dvije identične, potpuno iste presude Ustavnog suda vezano i za Žepče i za Usoru, a donosili bi dva različita zakona. Mislim s te strane evo volio bih da se ... da se još razmisli. Samo ću još kratko prokomentirati čini mi se kolega je kratko rek'o da .. da ovaj Zakon povlači velika finansijska sredstva. Ovaj Zakon ne povlači dodatno ni jednu marku. Radi se o sljedećem samo znači financije i dalje iako da vam budem iskren temeljem i presudom Ustavnog suda mi smo i razgovarali bilo je obveza da se prenese i financiranje, međutim naš cilj nije ... cilj je da ovo ide na način kako ide. Kad se isplaćuju ista je visina plaće nastavnika i u Usoru i u Žepču. Kad se isplaćuje plaća ovdje isplaćuje se tamo topli obrok. Sve je isto. Znači, ovdje ... ovdje se samo predlaže znači u ovoj ... prenosu nadležnosti načelnik općine, općinsko vijeće imenuju upravne odnosno školske odbore i to imenuju ravnatelje škola i sve se završava tu. Oko ovoga dijela financiranja i samog toga, mislim da tu zaista treba otvoriti jedan

dijalog i mislim da je se previše napuhalo to što je se događalo u Žepču. Kažem bilo je ... bilo je prelaska nastavnika, odjeljenja i toga dalje. Ovi pedagoški standardi svakako smo za to i oni se poštuju, da se poštuju pedagoški standardi. Ovdje je neko rek'o u raspravi čini mi se kolega iz Zavidovića da oni imaju kombinirane odjele. Mi imamo u Vrbici područnu školu gdje ukupno ima čini mi se nažalost 16-17 djece i svi idu skupa, od prvog do ne znam evo to je ... to je nažalost trenutno tako. Dobro, zahvaljujem.

PREDSJEDAVAJUĆA

Zahvaljujem gospodinu Tadiću. Gospodin Karavdić.

SENAD KARAVDIĆ

Ja mislim da je nakon što smo donijeli odluku da ne idemo po skraćenom postupku bespredmetno isticati ko je za ovaj Zakon, ko nije, jer ga danas ne usvajamo, govorimo samo o Nacrtu, dakle. Imat ćemo mi prijedlog gdje ćemo se izjašnjavati o Zakonu. Danas možemo dati konstruktivne prijedloge u tome odnosno neke naše primjedbe, sugestije koje će se ugraditi u Prijedlog Zakona koji očekujemo vrlo brzo pretpostavljam, jer nas za to obavezuju rokovi vezani za presudu Ustavnog suda Federacije. Potpuno podržavam zahtjev da se Ustavnom sudu uputi, dakle, ova primjedba odnosno zahtjev da se dostavi i na latiničnom pismu presuda. Ja ne bih ni izlazio danas da se radi o prijedlogu, mi bi naravno usvojili to. Budući da nije, znači, usvojeno imam pravo sad dat' neke svoje opaske. Ono što mene ovdje buni u ovom Zakonu je što je općina Usora iskoristila ustavno pravo. Međutim, općina Usora kao i sve druge općine u Kantonu ... u Zeničko-dobojskom kantonu prema Zakonu o lokalnoj samoupravi ima pravo prenosa nadležnosti iz oblasti obrazovanja, ali u Zakonu o lokalnoj samoupravi se precizira samo u dijelu osnovnog obrazovanja. Dakle, niko ni jednoj općini u Kantonu ne može uskratiti prava ako želi da prenese ovlasti obrazovanja, ali u dijelu osnovnog kao što stoji u Zakonu da to i učini. Ja imam dilemu sad, ovaj, kako se mogu prenijeti ovlasti iz domena srednjeg obrazovanja? Da li to podrazumijeva da onaj ko to želi znači ima samo obavezu osnivanja i upravljanja a nema obavezu finansiranja kao što bi imalo logike u poređenju sa Zakonom o lokalnoj samoupravi? Jer u Zakonu o lokalnoj samoupravi se tačno navodi da onaj ko hoće da iskoristi pravo prenosa nadležnosti obraz ... osnovnog obrazovanja, dakle, ima pravo na osnivanje, upravljanje, finansiranje i unapređenje osnovnih škola. Dakle, općina Usora se između ostalog u svojoj inicijativi općinskoj iz septembra 2013. pozvala na Zakon o lokalnoj samoupravi kojim dozvoljava, znači, i taj dio u dijelu osnovnog obrazovanja i na Zakon ... Ustav Zeničko-dobojskog kantona, član 69. koji ne precizira koji je to dio obrazovanja. Dakle, ako ne precizira onda ja podrazumijevam da se može prenijeti nadležnost prema ustavnim tim kategorijama tamo i na osnovno i na srednje. Dakle, ostaje ova dilema koju je i Ured za zakonodavstvo iznio nama u dostavljenim materijalima, a to je način finansiranja. Ja zaista imam tu dilemu i mislim da bi sve i jedna općina u Zeničko-dobojskom kantonu davno preuzela nadležnosti da nema te obaveze u Zakonu o lokalnoj samoupravi da se radi i o finansiranju. Ja to znam po svojoj općini. 100 puta smo imali neke primjedbe, pa smo htjeli ovo, pa ono, pa program ovakav, pa ono ili upravni odbor, itd. Svak' bi to poželio da se pita a da nema obaveze. Mislim da bi to svako, ovaj, uzeo. To je u našoj prirodi izgleda, svih nas. Prema tome, želim da u Prijedlogu se uzme u obzir i primjedba Ureda za zakonodavstvo i da neko izvaga tu diskrepanciju između kant ... između Ustava Zeničko-dobojskog kantona, član 69. i člana 8. Lokalne samouprave, da se vidi zaista čije su finansijske obaveze. Ako preuzimamo nadležnost u domenu osnovnog obrazovanja neka taj ko preuzima nadležnost u skladu sa Zakonom o lokalnoj samoupravi finansira osnovno obrazovanje, a Kanton će preuzeti obavezu finansiranja u dijelu srednjeg obrazovanja. Zahvaljujem.

PREDSJEDAVAJUĆA

Zahvaljujem. Gospodin Tadić, replika.

IVO TADIĆ

Ne znam ... ne znam da li ću povrijediti Poslovník, nije replika već samo jedan kratak komentar već ... vezano na Vaše izlaganje. Bojim se da ne zbunimo ljude. Ovdje dolazimo u situaciju kad kažemo kad je u pitanju financiranje, bojim se da će javnost steći dojam mi prenosimo obrazovanje na Usoru, a Zenica će ga financirati. Vi znate kako se puni proračun, ko su poreski obveznici i oni iz Žepča i oni iz Usore i oni iz Kaknja i Visokog. Evo to je samo jedan kratak moj odgovor da se ne bi stek'o pogrešan dojam ili da kaže vi ćete puniti proračun u Zenici, ali vi tražite načina kako ćete u Usori, ovaj, financirati obrazovanje.

PREDSJEDAVAJUĆA

Zahvaljujem. Gospodin Sarajlić, replika na izlaganje gospodina Tadića.

ISMET SARAJLIĆ

Slažem se ja gospodine Tadiću s Vama, ali nemojte zaboraviti da je Zenica jedna trećina stanovništva Kantona i u punjenju Budžeta isto tako učestvuje najmanje sa jednom trećinom, a Usora ima 8 000 stanovnika. To je ... to je ... u toj priči bitna razlika. Mah ... (poslanik govori s mjesta) ...

PREDSJEDAVAJUĆA

Molim vas da ne diskutujemo s mjesta.

ISMET SARAJLIĆ

... i druga stvar, ja bih samo zamolio kolege iz SDA, ja im se zahvaljujem na ovom izlaganju, ja se slažem sa go ... s gos ... sa gospodinom Karavdićem. Na kraju će se doći ovdje u situaciju sigurno, ja ne ulazim, treba ovo podržati, ali će se doći da su ostale općine sad koje su uslovno rečeno većinske u diskriminirajućem položaju u odnosu na one koje su manjinske u ovom smislu. Očito je da je pre ... ovdje prenošenje nadležnosti na općinski nivo daje zamah školstvu, to smo vidjeli u Žepču da nije to samo finansiranje, to je znate dođe sta ... strani donator pa ti ispred općine kanton ima drugih problema pregovaraš, pa praviš javno-privatno partnerstvo, pa se tu pojavljuje mnogo mogućnosti da finansirate same stvari. I dođete u situaciju da stvarno ovo u odnosu na kanton u Žepču tom odlukom imate da je to procvjetalo, od glazbene škole do područne škole i tako da taj sistem super funkcioniše. Je li zaštićen neko ili nije, ali on funkcioniše na način da oni rade, otvaraju škole i da je to puno bolje sad nego u drugim općinama. A šta je ovamo gdje je Bošnjak u većini? Ne može! Ja govorim o tom diskriminirajućem odnosu. Apsolutno ne povređujući pravo u ovom slučaju meritum odluke je bio da sam ja ugrožen kao manjinski, što mi uskraćuje pravo na nastavni plan i program, nastavu na hrvatskom jeziku, itd., itd. i to je uredu. Ja govorim o tome. Malo me čudi isto tako sem što sam podrž'o u ovom slučaju kolege iz SDA da bi vi danas za ovo glasali i ... a da vam amandmani ne bi bili čak ni razmatrani pošto ih je Vlada odbila. Govorim samo ustvari da se ispostavilo da je uvođenje ovog Zakona u regularnu proceduru po meni ispravna stvar i zato smo bili za. Hvala.

PREDSJEDAVAJUĆA

Zahvaljujem. Gospođa Jupić, replika ili diskusija? Gospodin Damir Jukić, replika na izlaganje gospodina Sarajlića onda, je li? Gospođa Jupić, prva diskusija, izvolite.

AMRA JUPIĆ

Nešto sam razmišljala da li da odustanem, puno sam se ranije javila, doduše, ovaj, vrlo sramežljivo. Zaista osjetljivo pitanje. Pošto je preinačen sam akt već sad neku drugu formu dobio, pa eto nekako sam odlučila da ipak ne odustanem. Mnogi su prethodnici ovdje kazali puno toga i mene ne smeta da i to ponovim. Ipak je ovo Odluka Ustavnog suda kako reče i kolega Tadić i svi ostali koji su bili za ovom govornicom. Mora se sprovesti. Mi smo svjesni toga i zbog Krivičnog zakona Bosne i Hercegovine iz 2003. godine, znamo i koji mehanizmi slijede ako se ista ta Odluka Ustavnog suda ne provede. Međutim, mene brine nešto drugo.

Možda će neko pomisliti ili reći nema veze sa ovim o čemu danas priča, ali ima itekako, pa ja ... ja ću ovako se izraziti kiša, znači kiša tih odluka Ustavnog suda nisu provedene do sada i šta je s njima? To je jedno, ali iz diskusija mnogih svojih prethodnika sam ustvari zaključila samo jedno, a to je da treba ipak čestitati jednoj principijelnoj, dosljednoj, kvalitetnoj politici krovne stranke u Hrvata, a to je Hrvatska demokratska zajednica. Urnek za sve ostale političke partije kako se iskoristi svoje pravo, kako se iskoristi, je li, ja neću reći iz Ustava treba vaditi ne ono što meni odgovara, nego ja moram poštovati Ustav onakav kakav jest i to bi bio moj prijedlog svima onima koji se pozivaju na odluke Ustavnog suda i ustavne odredbe. Dakle, treba im čestitati jer su nas podsjetili na svoje pravo i dobili ga putem odluke Ustavnog suda. Ja bih zaista bila sretna da i u Bošnjaka ima takva politička partija, doduše ima onih koji se predstavljaju kao ekskluzivni predstavnici bošnjačkog naroda pa nas zastupaju svuda iz ne znam kojih razloga se predstavljaju tako, ali bih voljela da kad neko maše zastavom u Banja Luci da ga ne hapse. Ja bih to zaista voljela, ali vidim da ova krovna stranka u Hrvata na pravi način, ja imam pravo kao zastupnica da ovdje izađem i da im na tome čestitam, bez obzira ovdje su se neki i pozivali na emocije i na glasanje „za“, „protiv“, „uzdržan“, ja imam pravo glasati onako kako mislim i u skladu sa svojim razmišljanjem. A ovo je nešto sasvim drugo što bi neš ... naš narod rekao ovo je drugi par opanaka. I ne bih htjela da se ovdje pozivaju na emocije bez obzira koliko je osjetljivo pitanje, jer sam ja emotivna kad je u pitanju pravo bilo kojeg konstitutivnog naroda na području Ze-do kantona. Ako su uskraćena prava i Hrvata i Srba i svih ostalih, imam određene emocije prorade, jer ja znam da sam ovdje glasovima došla mnogih i svih njih i ne bih htjela da moje emocije samo rade kad su uskraćena prava Bošnjaka. I još jednom da podsjetim na ono najvažnije, dok ste svi izlazili ovdje i govorili da iz Ustava zaista ne treba vaditi ono što kome odgovara, Ustav se mora poštovati što bi rekli u punom kapacitetu, onakav kakav jest i ne pozivati se samo tad na ustavne odredbe i da podsjetim od 2002. godine pune su ladice tih ustavnih odluka, presuda Ustavnog suda koje nisu ispoštovane. Ja ne znam da su postojali mehanizmi, da se ljudi krivično gone iako se zna da ... da bi trebali biti krivično gonjeni za to, bez obzira o kome se radi. Eto toliko o tome. Još jednom čestitke vašoj politici, kolega Jukiću i kolega Tadiću. Hvala lijepo.

PREDSJEDAVAJUĆA

Zahvaljujem. Gospodin Jukić, druga diskusija.

DAMIR JUKIĆ

Kad se osvrnemo na reportaže sa ove Skupštine, nadam se da će i ove pohvale evo u medijima bit, ovaj. Malo da se našalimo. Ja neću više ulaziti zaista u srž ove problematike danas na ovoj Skupštini. Ja samo želim se osvrnuti na većinu stavova ovdje iznesenih, a to je da li će se povećati troškovi kada je u pitanju financiranje oblasti obrazovanja na području općine Usora. Ja bih bio presretan kao mlad čovjek da se broj učenika na općini Usora svake godine povećava. Nažalost evo iz znanja, ja sam maloprije načelnika sam preupitao, imao sam i sam spoznaje da se nešto smanjuje broj učenika. Ovdje nije čini mi se spomenuto. A dakle trenutno na području općine Usora, drage moje zastupnice i zastupnici, imamo svega 620 učenika. Evo načelnik općine Usora je ovdje, a načelnik neka me ispravi ako griješim. Njega posebno pozdravljam, zahvaljujem što se odazvao ovoj Skupštini. Dakle, ne radi se o nekom enormnom broju. U usporedbi sa općinom Žepče, evo ne volim se, neću se više vraćati ni na Žepče, ovaj, 9 puta manje. 9 puta manje učenika na području općine Usora, tako da ja vas uvjeravam taj neće ... neće biti razloga da hoće bogdo se povećati broj učenika, pa da se povećaju i ovlasti finansiranja na području općine Usora. Dakle, radi se o svega nekih 620 učenika na području općine Usora. Hvala.

PREDSJEDAVAJUĆA

Zahvaljujem. Gospodin Plančić, druga diskusija.

IBRAHIM PLANČIĆ

Zahvaljujem predsjedavajuća. Na određen način ovo je bila replika ili odgovor gospodinu Sarajliću, međutim s obzirom da sam tražio akt nisam stigao na vrijeme i ja ću ovo ... evo ovu repliku ustvari iskoristiti kao drugu diskusiju. Možda u mom prvom izlaganju nije bilo potpuno jasno da bi Klub zastupnika SDA danas odustao od svojih amandmana, dakle, ne bi ... ne bismo glasali o amandmanima. Jasno sam rekao da smo mi zadovoljni odgovorom Vlade i obrazloženjem koje nam je dostavljeno u pisanoj ... u pisanom obliku, a podsjetio sam da smo mi prvi puta bili uzdržani na ovakav prenos nadležnosti upravo zbog ovih dilema koje su danas iznošene. Međutim, Vlada je postojećim prijedlogom Zakona te dileme odagnala, znači, i u obrazloženju odbijanja naših amandmana to je navela. S tim u vezi evo ja ću za posljednji pasus iz obrazloženja odbijanja naših amandmana zastupnika SDA iščitati i mislim da je tu sadržan odgovor na ovo pitanje koje je postavio i uvaženi zastupnik Sarajlić, dakle, da ga čudi stav SDA. S tim u vezi, dakle, mišljenja smo da bi bilo neophodno pristupiti izjašnjavanju zastupnika po ovom amandmanu uz napomenu da je predlagač Zakona na prihvatljiv i dozvoljen način u svom Prijedlogu Zakona već ugradio dovoljne zaštite mehanizme kojima će se osigurati da prenesene nadležnosti na općinu Usora ne budu izvorište nepotrebnih ili jednostarnih povećanja postojećih troškova obrazovanja u Budžetu Zeničko-dobojskog kantona, niti pak smetnja u načinu izvršavanja donesene presude Ustavnog suda Federacije Bosne i Hercegovine od strane Zeničko-dobojskog kantona. Dakle, jasno i kristalno jasno obrazloženo da neće biti nikavih dilema, zloupotreba u pogledu finansijskih sredstava, a pažljivim iščitavanjem Zakona zaista se to može uočiti i vidjeti. Zahvaljujem.

PREDSJEDAVAJUĆA

Zahvaljujem gospodine Plančiću. Gospodin Begić. Zahvaljujem. Zaključujem raspravu i predlažem Skupštini sljedeći zaključak.

STRUČNA SLUŽBA SKUPŠTINE